

Hebreonan 11.

Fe

1.

1. Fe kemen ku nos ta sigur di e kosnan ku nos ta spera di risibí i ku nos ta kombensé di e realidat ku nos no ta mira.
2. Debí na tal fe Dios a duna bon testimonio di hendenan di antes.
3. Pasobra nos tin fe, nos ta komprondé ku Dios a krea universe pa medio di su palabra: ke men ku loke nos por mira a nanse for di loke nos no por mira.
4. Pasobra Abel tabatin fe, el a ofresé Dios su mihó sakrifisio ku Kain a ofresé. Pa motibu di su fe Dios a deklará ku Abel tabata hustu i Dios a aseptá su sakrifisionan. Pa medio di su fe Abel ta papia awor aki ainda, maske e la muri kaba.
5. Pasobra Henok tabatin fe, Dios a kit'e for di bida aki promé ku el a muri. No por a hañ'e mas, pasobra Dios a tum' é serka djE. Skritura ta bisa ku, promé ku Dios a tum' é serka djE, e tabata biba segun boluntat di Dios.
6. Si un hende no ta kere den Dios, ta imposibel pa e hasi loke Dios ke. Pasobra es ku ke bai serka Dios, mester kere ku E ta eksisti i ku E ta rekompensá esnan ku ta busk'É.
7. Pasobra Noe tabatin fe, el a tuma Dios na serio, ora El advertié pa kosnan ku ainda no por a mira. El a konstruí un arka pa skapa su famia. Su bida di fe a kondená e otro hendenan riba mundu, pero a pone ku Dios a aseptá e komo hustu.
8. Pasombra Abraham tabatin fe e la obedesé ora Dios a jam' é: el a Sali bai un país ku Dios a destiná p'e i su desendiensia. El a sali bai sin sa unda e tabata bai.
9. I pa medio di e fe ku e tabatin, el a biba komo strañero na e país ku Dios a primintié. El a biba den tèt, meskos ku Isak ku Yakob, ku tambe a haña e promesa ei.
10. Pasobra Abraham tabata anhelá e siudat ku un fundeshi firme, di kual Dios mes tabata e arkitekto i konstruktor.

11. Pasombra Abraham tabatin fe, Dios a hasié kapas di engendrá un yu serka Sara, ounke e tabata bieu i Sara no por a konsebí. “Pasobra e tabata konfia ku Dios a kumpli ku su promesa.

12. P’esei tambe ésun hòmbler ei, ku tabata yegando na fin di su bida, a haña desentiente, mes numeroso ku streanan di shelu, inkontabel manera pipita di santu na playa di laman.

13. Den fe nan tur a muri sin haña loke Dios a priminti nan. Pero esei nan a mira for di aleu i nan a keda kontentú kuné. Nan a rekonosé ku na mundu nan tabata strañero i habitante pasahero.

14. Esun ku ta papia asina, ta duna bon kla di konosé ku nan ta en buska di un patria.

15. Si nan a sinti nostalgia pa e pais ku nan a bandoná, nan por a bolbe fásilmente.

16. pero nan tabata anhelá un mió patria, esun selestial. P’esei Dios no ta sinti bèrguensa di ta yamá nan Dios; pasobra ta pa nan El a konstrui un suidat.

17. Pasobra Abraham tabatin fe, el a ofresé Isak komo sakrifisio ora Dios a pon’e na prueba. E tabata dispuesto pa ofresé su úniko yu komo sakrifisio, ounke Dios a hasié un promesa:

18. “Dor di Isak bo ta haña e desendientenan ku Mi a primintí.”

19 Abraham a pensa ku Dios tabatin asta poder pa laga morto resusitá; p’esei e la haña su yu hòmbler bèk, loke tabata un prefigurashon di kosnan benidero.


20. Pasobra Isak tabatin fe, el a duna Yakob i Esou un bendishon relashoná ku futuro.

21. Pasobra Yakob tabatin fe, el a bendishoná e dos yunan di Jozef na su kama di morto. I ilèn riba su bastòn, el a adorá Dios.

22. Pasobra Jozef tabatin fe, el a papia na fin di su bida di e salida di isralitanan for di Egipto i a duna instrukshon tokante su restunan mortal.

23. Pasobra e mayorman di Moises tabatin fe, nan a skond’e tres luna largu despues di su nasementu, pasobra nan a mira ku e tabata un yuchi bunita. Nan no tabatin miedu di e òrdu di rei.

24. Pasobra Moises tabatin fe, el a nenga, dia el a bira grandi, di pasa pa yu di e yu muhé di fárao.
25. El a preferá di haña maltrato huntu ku e pueblo di Dios na lugá di gosa di plasernan di piká pa un ratu so.
26. P'e e deshonra ku Kristu mester a pasa, tabata un rikesa mas grandi ku e tesoronan di Egipto. E tabata fiha su bista riba e rekompensa nan di futuro.
27. Pasobra e tabatin fe, el a Sali bai for Egipto sin tabatin miedu di Rei. El a persevere, manera un hende ku tabata mira e Dios invisibel.
28. Pasobra e tabatin fe, el a instituí fiesta di Pesag i a laga hunta sanger na kozeinnan di porta, di manera ku e angel di morto lo no mata e yu mayónan di e famianan di Israel.”
- 29 Pasobra e Israelitanan tabatin fe, nan a pasa dor di laman Kòrá komo si fuera tabata tera seku; ora e egipsionan a purba, nan a hoga.
30. Pasobra e israelitanan tabatin fe, e murayanan di Yériko a basha aden, despues ku e israelitanan a kana shete dia largu rondó di nan.
31. Pasobra e prostituta Rahab tabatin fe, el a risibí e spiònnan kariñosamente i e no a muri huntu ku esnan ku tabata deobedesidu na Dios.
32. I kiko mas mi mester menshona? Mi no tin tempu pa para konta di Gedion, Barak, Samson i Yefta, di David i Samuel i e profetanan.
33. Pasobra nan tabatin fe, nan a konkistá reinonan, mantené derecho i a risibi loke Dios a priminti; nan a sera boka di leonnan,
34. paga kendela grandi I a skapa morto pa spada; nan debilidat a bira forsa, nan a bira fuerte den guera i a pone ehérsitonan enemigu hui.
35. Muhénan a haña nan famianan bèk, resusitá for di morto. Otronan a muri despues di a torturá nan; na a nenga libertat pa por resusitá den un bida mihó.
36. Otronan a soportá chèrchè i bòftá asta soportá bui i prizòn.
37. A piedra nan, zag nan na dos i mata nan ku spada. Nan a dualu rònt, bistí na lana di karné i kueru di kabritu. Nan tabata pasa mizeria, keda persigui i maltratá.



38. Nan tabata muchu bon pa e mundu aki! Nan tabata dualu den
desiertonan i serunan, i tabata biba den spelònnan i burakunan.

39. Ounke Dios ta duna bon testimonio di tur e hendenan aki, nan no a
risibi loke El a primintí.

40. E tabatin un mihó plan ku nos i E no tabata ke pa nan yega na
perfekshon sin ku nos yega.